

KERATAN AKHBAR


JUDUL : TVS

TARIKH : 30 SEPTEMBER 2024

SITASI :

M/S :

Kementerian perpaduan negara anjur karnival baca perdana sepanjang oktober. (2024a, September 30). TVS. Retrieved September 30, 2024, from <https://www.tvsarawak.my/2024/09/30/kementerian-perpaduan-negara-anjur-karnival-baca-perdana-sepanjang-oktober/>.



Kementerian Perpaduan Negara anjur Karnival Baca Perdana
sepanjang Oktober

ByBernama

- #bm, Malaysia
- September 30, 2024
- 11:25 AM
-

PUTRAJAYA, 30 Sept: Karnival Baca Perdana diadakan sepanjang Oktober ini bertujuan membentuk masyarakat berpengetahuan tinggi bertaraf dunia serta pembudayaan amalan membaca.

Kementerian Perpaduan Negara (KPN) dalam kenyataan hari ini memaklumkan program yang dianjurkan melalui Perpustakaan Negara Malaysia (PNM) itu akan dirasmikan di MyTOWN Shopping Centre, Kuala Lumpur pada 4 Okt ini.

Dengan tema "Perpaduan Melalui Pembacaan," karnival ini akan melaksanakan pelbagai program, termasuk Forum Membaca Perdana: Simfoni Perpaduan Melalui Pembacaan, Kempen Kesedaran Derma Buku, dan Podcast Borak Pustakawan.

KPN juga menggalakkan rakyat Malaysia untuk menggunakan tanda pagar #PerpaduanMelaluiPembacaan sepanjang Oktober.

Sementara itu, Menteri Perpaduan Negara Datuk Aaron Ago Dagang dalam kenyataan sama mengajak seluruh rakyat Malaysia tanpa mengira bangsa, agama dan budaya untuk turut serta menjayakan karnival ini.

"Pembacaan juga membantu kita untuk berfikir secara kritis. Dalam dunia yang penuh dengan maklumat, kemampuan untuk menilai dan memahami fakta dengan bijaksana adalah kunci untuk mengelakkan salah faham dan konflik.

"Dengan membaca pelbagai sumber, kita dapat membentuk pandangan yang lebih seimbang dan adil," katanya. – TVS

Sumber : <https://www.tvsarawak.my/2024/09/30/kementerian-perpaduan-negara-anjur-karnival-baca-perdana-sepanjang-oktober/>